

**Broj: 06-03-746-19/36/12**  
**Mostar, 25.02.2013. godine**

Na osnovu člana 14., člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05 i 83/11), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2), člana 37. stav (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12) i člana 17. Pravilnika za izdavanje dozvola – licenci („Službene novine Federacije BiH“ broj 29/05), postupajući po Zahtjevu za izdavanje prethodne dozvole za izgradnju proizvodnog objekta mHE „RUJEVICA UŠĆE“ broj 06-03-746/36/12 od 03.07.2012. godine podnosioca „EBH“ d.o.o. Sarajevo, Regulatorna komisija za električnu energiju u Federaciji Bosne i Hercegovine – FERK je dana 25.02.2013. godine na IV redovnoj sjednici donijela sljedeće

### **R J E Š E N J E**

1. Izdaje se Prethodna dozvola za izgradnju proizvodnog objekta mHE „RUJEVICA UŠĆE“ podnosiocu zahtjeva „EBH“ d.o.o. Sarajevo.
2. Prethodna dozvola za izgradnju se izdaje na period od 25.02.2013. godine do 24.02.2014. godine, s uslovima prethodne dozvole koji čine njen sastavni dio.
3. Sastavni dio ovog rješenja čini prethodna dozvola iz tački 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

### **O b r a z l o ž e n j e**

FERK je dana 03.07.2012. godine primio od podnosioca „EBH“ d.o.o. Sarajevo, Zahtjev za izdavanje prethodne dozvole za izgradnju proizvodnog objekta mHE „RUJEVICA UŠĆE“ broj 06-03-746/36/12.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 36. stav (2) i stav (3) Pravilnika za izdavanje dozvola - licenci. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obvještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-746-01/36/12 od 20.07.2012. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK dana 14.08.2012. godine pod brojem 06-03-746-02/36/12, uz koje je dostavio dio tražene dokumentacije i obrazloženja vezano za istu.

U cilju potpunog kompletiranja dostavljene dokumentacije, FERK je podnosiocu zahtjeva 04.09.2012. godine dostavio Zahtjev za informacijama broj 06-03-746-03/36/12, povodom kojeg je podnosilac zahtjeva dostavio dopis primljen u FERK dana 06.09.2012.

godine pod brojem 06-03-746-04/36/12, uz koje je dostavio dio tražene dokumentacije i obrazloženja.

Dalje, FERK je 18.09.2012. godine, podnosiocu zahtjeva, u skladu sa članom 12. Pravilnika za izdavanje dozvola-licenci, dostavio Zahtjev za informacijama broj 06-03-746-05/36/12, povodom kojeg je podnosiocu zahtjeva dostavio dopis primljen u FERK dana 26.09.2012. godine pod brojem 06-03-746-06/36/12, te dopis primljen u FERK dana 08.11.2012. godine pod brojem 06-03-746-07/36/12, uz koje je dostavio dio tražene dokumentacije i obrazloženja.

FERK je podnosiocu zahtjeva 20.11.2012. godine dostavio Zahtjev za informacijama broj 06-03-746-08/36/12, povodom kojeg je podnosilac zahtjeva dostavio dopis primljen u FERK dana 28.11.2012. godine pod brojem 06-03-746-09/36/12, te dopis primljen u FERK dana 27.12.2012. godine pod brojem 06-03-746-10/36/12, kao i dopis primljen u FERK dana 03.01.2013. godine pod brojem 06-03-746-11/36/12, uz koje je dostavio traženu dokumentaciju i obrazloženja.

Postupajući u skladu sa članom 11. Pravilnika za izdavanje dozvola-licenci, FERK je dana 14.01.2013. godine u „Oslobođenju“ i „Večernjem listu“, kao i na svojoj web stranici objavio Obvještenje za javnost o podnesenom Zahtjevu za izdavanje prethodne dozvole za izgradnju proizvodnog objekta mHE „RUJEVICA UŠĆE“, podnosioca zahtjeva „EBH“ d.o.o. Sarajevo. Povodom Obvještenja za javnost, FERK do roka naznačenog u obavještenju odnosno do 22.01.2013. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 55. Pravilnika o javnim raspravama i rješavanju zahtjeva, sporova i žalbi, obavijestio podnosioca zahtjeva o svojoj namjeri provođenja postupka izdavanja prethodne dozvole bez održavanja formalne rasprave, putem Obvještenja broj 06-03-746-13/36/12 od 22.01.2013. godine, kojim je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je u FERK dana 24.01.2013. godine dostavio dopis primljen pod brojem 06-03-746-14/36/12, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi s predmetom postupka, te nije uputio druge komentare FERK-u.

Na osnovu provedenog postupka, tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 16. stav (1) Pravilnika za izdavanje dozvola – licenci pripremio Nacrt prethodne dozvole za izgradnju proizvodnog objekta mHE „RUJEVICA UŠĆE“ po Zahtjevu broj 06-03-746/36/12 od 03.07.2012. godine, podnosioca „EBH“ d.o.o. Sarajevo. Na osnovu člana 79. stav (2) Zakona o električnoj energiji, FERK je Odlukom broj 06-03-746-15/36/12 od 31.01.2013. godine usvojio Nacrt prethodne dozvole za izgradnju proizvodnog objekta mHE „RUJEVICA UŠĆE“, dok je Odlukom FERK-a broj 06-03-746-16/36/12 od 31.01.2013. godine ovaj nacrt upućen u proces javne rasprave, te je određeno mjesto i vrijeme održavanja opšte rasprave o predmetnom Nacrtu prethodne dozvole za izgradnju proizvodnog objekta, imenovan voditelj postupka, kao i da zainteresovana lica svoje usmene komentare na Nacrt prethodne dozvole za izgradnju proizvodnog objekta mogu dati na opštoj raspravi, koja je održana 11.02.2013. godine u 11:00 sati, u zgradi Opštine Zavidovići, a pisane komentare dostaviti na adresu FERK-a, kao i na elektronsku adresu do 12.02.2013. godine do 12:00 sati.

Opštoj raspravi o Nacrtu prethodne dozvole za izgradnju proizvodnog objekta mHE „RUJEVICA UŠĆE“ bili su prisutni predstavnici FERK-a, podnosilac zahtjeva, predstavnici Federalne komisije za koncesije i javnosti. Podnosilac zahtjeva je istakao da je saglasan sa predloženim tekstom nacrtu prethodne dozvole, te da će „EBH“ d.o.o. Sarajevo u potpunosti ispoštovati uslove predviđene istim.

Do ostavljenog roka za dostavu pisanih komentara, odnosno do 12.02.2013. godine do 12:00 sati, u FERK nisu primljeni pisani komentari na Nacrt prethodne dozvole za izgradnju proizvodnog objekta mHE „RUJEVICA UŠĆE“.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik s opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 14.02.2013. godine pod brojem 06-03-746-17/36/12.

Podnosilac zahtjeva je povodom navedenog FERK-u dostavio 14.02.2013. godine dopis primljen u FERK pod brojem 06-03-746-18/36/12, u kojem je naveo da je saglasan sa Izvještajem voditelja postupka i da nema primjedbi na nacrt prethodne dozvole.

Izvještaj voditelja postupka s komentarima podnosioca zahtjeva dostavljen je članovima FERK-a dana 14.02.2013. godine pod brojem 06-03-746-17/36/12, na razmatranje radi donošenja odluke.

Na osnovu obrade Zahtjeva za izdavanje prethodne dozvole za izgradnju proizvodnog objekta mHE „RUJEVICA UŠĆE“ podnosioca „EBH“ d.o.o. Sarajevo i dokumentacije priložene uz zahtjev, te analize postupka opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u prethodnoj dozvoli koja je predmet ovog rješenja podnosiocu zahtjeva postavljeni su, u skladu sa članom 38. Pravilnika za izdavanje dozvola – licenci, određeni uslovi. Spomenuti uslovi uvažavaju potrebu, ali i obavezu „EBH“ d.o.o. Sarajevo, da u rokovima propisanim u uslovima Prethodne dozvole za izgradnju proizvodnog objekta mHE „RUJEVICA UŠĆE“ iste ispuni, u cilju zadovoljenja opštih i posebnih kriterija propisanih Zakonom o električnoj energiji i bliže propisanih članom 37. Pravilnika za izdavanje dozvola - licenci FERK-a.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Sanela Pokrajčić s.r.**